

# Ishonch

2019 йил 29 январь • сешанба • № 17 (4146)

Ўзбекистон касаба уюшмалари Федерацияси нашри • Газета 1991 йил 21 мартдан чиқа бошлаган • www.ishonch.uz • e-mail: xatlar@ishonch-doverie.uz

## ЭЗГУЛИККА ЙЎҒРИЛГАН УДУМ

Жорий йилнинг 26 январь куни юртимизда умумхалқ экологик хайрия ҳашари бўлиб ўтди

Вазирлар Маҳкамасининг 2019 йил 22 январдаги тегишли фармойишига кўра Ўзбекистон Экологик ҳаракати, «Маҳалла» хайрия жамоат фонди, «Нуроний» жамғармаси, Экология ва атроф-муҳитни муҳофаза қилиш давлат қўмитаси, Ёшлар иттифоқи каби ташкилотлар, маҳаллий ҳокимлик органларининг умумхалқ хайрия ҳашари ўтказишга оид таклифи қўллаб-қувватланди. Ушбу кенг қамровли умуммиллий акцияни юқори савияда ўтказиш мақсадида тегишли вазирлик ва идоралар, қўмиталар, жамоат тузилмалари вакиллари билан иборат ишчи гуруҳи тузилди.



Умумхалқ экологик хайрия ҳашарида 27 минг гектардан ортиқ майдонлар ободонлаштирилди, 39 минг 689 тоннадан ортиқ чиқиндилар чиқариб ташланди, 23 минг метрдан ортиқ узунликдаги ариқ ва лотоклар тозаланди. Қабристон ва зиёратгоҳлар ободонлаштирилиб, тартибга келтирилди. Ушбу тадбирларни амалга ошириш учун 12 минг 332 дан ортиқ техника жалб қилинди. Кам таъминланган оилаларнинг уй-жойлари ҳашар йўли билан таъмирланди. 13 мингдан зиёд эҳтиёжман оила ҳолидан хабар олиниб, моддий ёрдам кўрсатилди. Шундан 6 мингдан ортиги ногиронлиги бўлган ва яққа-ёлғиз қариялар ҳисобланади. Ҳашардан тушган маблағлар Орол денгизининг суви қуриган майдонларида ҳимоя ўрмонлари ташкил этиш, минтақада экологик ҳолатни ва аҳолининг яшаш шароитини яхшилаш, кам таъминланган, боқувчисини йўқотган, ижтимоий ҳимояга муҳтож оилаларга моддий ва маънавий ёрдам кўрсатиш ишларига сарфланади.



## КУН НАФАСИ

Президент Шавкат Мирзиёев Хиндистон миллий байрами – Республика куни муносабати билан Президент Рам Натх Ковинд ва Бош вазир Нарендра Модиға табрик йўлади.

Президент матбуот хизмати

Давлатимиз раҳбари Шавкат Мирзиёев «Австралия куни» муносабати билан мамлакат Генерал-губернатори Питер Косгроувни табриклади.

Президент матбуот хизмати

Германиянинг «Friedensdorf International» халқаро хайрия ташкilotи Президент Шавкат Мирзиёевнинг тегишли Фармони билан 1-даражали «Соғлом авлод учун» ордени билан мукофотланди.

daryo.uz

Элёр Ғаниев инвестициялар ва ташқи иқтисодий алоқалар масалалари бўйича Бош вазир ўринбосари этиб тайинланди.

uz.uz

Нодир Отажонов Ўзбекистон Президенти маслаҳатчиси ўринбосари этиб тайинланди.

gazeta.uz

Жамшид Хўжаев қишлоқ ҳўжалиги вазири этиб тайинланди.

Қишлоқ ҳўжалиги вазирилик матбуот хизмати

Сардор Умурзоқов инвестициялар ва ташқи савдо вазири этиб тайинланди.

gazeta.uz

Марказий банк бошқаруви қайта молиялаш ставкасини йиллик 16 фоиз даражасида ўзгартириш қолдириш тўғрисида қарор қабул қилди.

Марказий банк матбуот хизмати

Россиянинг Қозон шаҳрида ўтказилган «Фьючерс» теннис турнирида ҳамюртимиз Санжар Файзиев бош соврин эгаси бўлди.

МОҚ матбуот хизмати

Жорий йилнинг 5-6 февраль кунлари Давлат бошқаруви академиясида

«Uzbekistan-2035» Иккинчи халқаро форуми бўлиб ўтади.

«Буюк Келажак» ХННТ матбуот хизмати

Адвокатлар палатаси томонидан «Энг яхши адвокат» ва «Энг яхши адвокатлик тузилмаси» республика танловлари ўтказилди. Номзодликка таклифлар шу йилнинг 28 февраль кунига қадар қабул қилинади.

xabar.uz

Хоразмда Малайзия (UTM) технология университети (UTM) филиали очилиши режалаштирилмоқда.

podrobno.uz

Мудофаа вазирлиги ташаббуси билан Нукус шаҳрида «Биз жиноятчиликка қаршимиз!» шиори остида 6000 метр масофага югуриш акцияси ўтказилди.

uz.uz

Тошкент давлат педагогика университетининг икки нафар талабаси «Shinhan Dream Foundation» фонди стипендияси соҳибига айланди.

Олий ва ўрта махсус таълим вазирлиги матбуот хизмати

Хитойнинг Шанхай шаҳрида «Xinjiang Asia – Europe International Material Trade Center» компанияси негизда Ўзбекистон товар хомашё биржаси савдо майдончаси очилди.

Ўзбекистон товар хомашё биржаси матбуот хизмати

2018 йилда Ўзбекистон аҳолисининг умумий даромади 10 фоизга ўсиб, 286,3 трлн. сўмни ташкил этди. Аҳоли жон бошига реал даромадлар 7,4 млн. сўмга етди.

Давлат статистика қўмитаси матбуот хизмати

Мақтабача таълим вазирлиги электрон ва босма ўқув материаллари учун персонажлар (қаҳрамонлар) яратиш бўйича танлов эълон қилди.

Мақтабача таълим вазирлиги матбуот хизмати

Жиззах вилоятидаги Манас қишлоғининг «Маржон» қирғиз миллий ансамблига «Маржон миллий халқ ансамбли» номи берилди.

uz.uz

### Ойлик

## Муддао – хавфсиз меҳнат

Касаба уюшмалари фаолиятида меҳнат муҳофазасини таъминлаш масаласи муҳим ўрин тутди. Шу боис, давлат ва ҳўжалик бошқаруви органлари раҳбарлари, иш берувчилар ҳамда кенг жамоатчиликнинг эътиборини меҳнатни муҳофаза қилиш масалаларини ҳал этишга қаратиш, ишлаб чиқариш маданиятини юксалтириш, иш берувчи томонидан ходимларга хавфсиз меҳнат шароитларини яратиш, ишлаб чиқаришдаги бахтсиз ҳодисалар ва касб касалликларининг олдини олиш, шунингдек, «Меҳнатни муҳофаза қилиш тўғрисида»ги қонунга риоя этилиши устидан жамоатчилик назоратини ўрнатиш бўйича тизимли ишлар йўлга қўйилаётди. Бу жараёнда «Меҳнат муҳофазаси ойлари»нинг ўтказилиши мавжуд муаммоларнинг ижобий ҳал этилишига хизмат қилади.

### Семинар

Ўзбекистон касаба уюшмалари Федерацияси ҳамда Халқаро Меҳнат Ташкилоти ҳамкорлигида касаба уюшма фаолларининг билим ва кўникмаларини янада яхшилаш, ушбу йўналишда халқаро ижобий иш тажрибасини ўрганиш мақсадида пойтахтимизда «Соғлом ва хавфсиз меҳнат шароитларини яратиш» мавзусида семинар ўтказилди.

## Устувор мақсад – самарали фаолият

Унда Олий Мажлис Қонунчилик палатаси Меҳнат ва ижтимоий масалалар қўмитаси раиси М.Хўжаева, Халқаро Меҳнат Ташкилотининг вакиллари – Шарқий Европа ва Марказий Осиё давлатлари меҳнатқашларининг фаолияти бўйича бош мутахассиси Гоча Александрия, Шарқий Европа ва Марказий Осиё давлатлари бўйича Бюроси меҳнат инспекцияси ва меҳнат муҳофазаси бўйича бош мутахассиси Валентин Мокану, меҳнат муҳофазаси бўйича халқаро консультанти Корнелиу Константиноаи, ташкилотнинг Ўзбекистондаги Бош техник маслаҳатчиси Антон Хаузен, координатор А.Дубова, касаба уюшмалари тизимидаги меҳнат муҳофазаси бўйича бўлим мудири, мутахассислари иштирок этди.

ishonch.uz:

## «Матбуот бонг уради!»

**Ishonch**  
Доверие

Матбуот бонг уради

КАБРИСТОНГА ДАБДАБА ЯРАШАДИМИ?

ИСТИХОЛАМИЗ ХИЖОЛАТГА САБАБ БЎЛЯПТИ

ИСТЕЪМОЛЧИ ХУЖУКИ ПОЙМОЛ БЎЛМАЯПТИМИ?

**Бизни кузатиб боринг!**

### Қорақалпоғистон Республикаси

## Оролнинг қуриган тубидан сув чиқди

Оролбўйида экологик ҳолатни яхшилашга жиддий эътибор қаратилиб, кенг кўламли ишлар амалга оширилаётган аини шу кезлардаги ушбу ажойиб янгилик барчани ҳайратга солди.

Мўйноқ тумани марказидан 200 километр олисдаги Возрождение ороли яқинида чуқук сув манбаи очилди. 260-280 метрлар чамаси чуқурликдан отилиб чиқаётган оби ҳаёт ҳажми секундига 7 литрни ташкил этмоқда. Шу билан бирга, жамоатчиликда янги сув манбасининг топилиши ва ундан фойдаланиш борасида айрим саволлар ҳам пайдо бўлмоқда.

### ҲАЁТ БУЛОҚЛАРИ КЎПАЙДИ

Бургулаш натижасида ер остидан чиқаётган сув аҳоли, шунингдек, chorva моллари истеъмолчи учун ҳам яроқли экани таъкидланмоқда.

Оролбўйи дала гидрогеологик экспедицияси бошлиғи Шавкат Олимовнинг айтишича, Жанубий Орол олди артезиан бассейни ер ости сувлари Чимбой, Тахтакўпир, Қораўзак туманлари худудларини қамраб олади. Фойдаланишга яроқли бундай сув манбалари ушбу ту-

манларда ҳам топилиши, Жанубий Орол олди артезиан бассейни ер ости сувларини махсус ускуналар ёрдамида чуқуқлаштириб, ичимлик суви сифатида фойдаланса ҳам бўлади. Ҳозирги кунда Чимбой, Қораўзак, Тахтакўпир туманларида шундай ускуналар ёрдамидан фойдаланган ҳолда аҳолини ичимлик суви билан таъминлаш йўлга қўйилмоқда.

Чуқук сув кўзларининг очилиши Мўйноқда chorvachilik соҳасини ривожлантиришга асос бўлади, – дейди Мўйноқ тумани ҳокими Сайлаубай Данияров. – Шу билан бирга, экологик вазият ҳам тубдан яхшиланиб, қушлар, ёввойи ҳайвонлар келади. Биохилма-хиллик ривожланади. Пайдо бўлган намлик эса тузининг ҳавога кўтарилишига ҳам тўсиқ бўлади.

### ЗАХИРАСИ ҚАНЧА?

Оролбўйи дала гидрогеологик экспедицияси томонидан жорий йилда Мўйноқ туманида, яъни Возрождение ороли, Сурғил,



Ахантай худудларида шу каби 40 та сув кўзларини очиб режалаштирилган. Шунингдек, 2021 – 2023 йилларда Жанубий Оролнинг қуриб қолган қисмини геологик жиҳатдан ўрганиш ишлари олиб борилиши ҳам алоҳида дастур сифатида қабул қилинган.

Тўрт-бешта ярусдан ташкил толган Бор даври ётқиқларининг пастки қатламларидаги жанубий Орол олди артезиан бассейни ер ости сувлари термал ва минераллашган бўлиб, шифобахш хусусиятга эга. Бу каби 47-50 градус иссиқликдаги сувлар Қозоқдарё, Қора-

ўзак, Чимбой худудларида мавжуд.

### МЎЙНОҚЛИКЛАР МАМНУН

– Бугун барчамизнинг кўнглимиз кўтарилиб, хурсанд бўлмоқдамиз, – дейди мўйноқлик нуроний Омонгелди оға Умаров. – Барча вилоятлардан келган ҳашарчи укаларимизнинг қадамлари кўтулғ бўляпти. Туманимизга фойз-баррака кириб келмоқда. Қарийб ярим асрлик орзуларимиз ушала бошлади.

Ортиқбой МАМУТОВ,  
«Ishonch» мухбири

Кун тафсилоти





